

**JAVNA USTANOVA DOM ZDRAVLJA
KANTONA SARAJEVO
V.D. GENERALNI DIREKTOR
Broj: 01-05-3759-2/20
Dana, 27.05.2020.godine
Sarajevo, Vrazova 11**

Na osnovu člana 38. Statuta Javne ustanove Dom zdravlja Kantona Sarajevo, člana 6. Odluke o izmjenama i dopunama Statuta Javne ustanove Dom zdravlja Kantona Sarajevo i prekršajnog naloga izdatog od Kantonalne uprave za inspeksijske poslove, broj:UP-1-14-09-30-11164/20- od 19.05.2020.godine, zaprimljenog na protokol Ustanove dana 26.05.2020. godine pod brojem: 01-05-3759/20, v.d. generalni direktor donosi slijedeću:

ODLUKU

I

Odobrava se uplata novčanih sredstava u iznosu od **1.500,00 KM** shodno članu 23. stav 2. Zakona o prekršajima („Sl.novine FBiH”, broj: 63/14) na ime novčane kazne u iznosu od 3.000,00 KM za činjenje prekršaja iz člana 19. stav (1) Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima („Sl.novine KS“, broj: 9/19 i 21/19).

II

Obavezuje se Služba ekonomsko finansijskih poslova da realizuje ovu Odluku, uplatom sredstava iz tačke I ove Odluke na račun primaoca javnih prihoda budžeta Kantona Sarajevo, transakcijski broj računa: 1411965320008475, otvoren kod Bosna Bank International d.d. Sarajevo, i to u roku od 3 (tri) dana od dana prijema Odluke, te dokaz o izvršenoj uplati odmah dostaviti Službi pravnih, kadrovskih i opštih poslova.

III

Prilog ove Odluke je primjerak prekršajnog naloga Kantonalne uprave za inspeksijske poslove broj: UP-1-14-09-30-11164/20- od 19.05.2020.godine, kao i uplatnica na iznos naveden u tači I ove Odluke.

IV

Odluka stupa na snagu danom donošenja.

Obrazloženje

Dana 19.05.2020. godine Kantonalna uprava za inspeksijske poslove na osnovu člana 54.,55.i 56. Zakona o prekršajima („Sl.novine FBiH”, broj: 63/14) izdala je prekršajni nalog broj: UP-1-14-09-30-11164/20- Javnoj ustanovi Dom zdravlja KS, zaprimljen dana 26.05.2020.godine pod brojem protokola: 01-05-3759/20, zbog činjenja prekršaja iz člana 19. stav (1) Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima („Sl.novine KS“, broj: 9/19 i 21/19). Na osnovu inspeksijskog nadzora obavljenog 12.05.2020. godine, utvrđeno je da je Ugovor o radu broj: 01-05-3713-

3/20 od 06.05.2020.godine JU Dom zdravlja KS zaključila sa Kapo Almom bez predhodno objavljenog javnog oglasa, što je suprotno članu 3. stav (1) pomenute Uredbe, a što je kažnjivo članom 19. stav (1) tačka a) iste Uredbe. Zaključivanje navedenog Ugovora o radu se ne može smatrati izuzetkom u smislu člana 5. Uredbe, obzirom da Pravilnikom o radu, unutrašnjoj organizaciji i sistematizaciji radnih mjesta i plaćama radnika, broj: 01-01-1-106/18 od 11.10.2018. godine za predhodno radno mjesto Kapo Alme nisu propisani isti uvjeti u pogledu radnog iskustva u odnosu na radno mjesto "odgovorni stručni saradnik za javne nabavke", za koje je imenovana zaključila gore navedeni Ugovor o radu. Prekršajnim nalogom broj: UP-1-14-09-30-11164/20- od 19.05.2020.godine, JU Dom zdravlja Kantona Sarajevo je dužna platiti novčanu kaznu od 3.000 KM za činjenje prekršaja iz člana 19. stav (1) Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima („Sl.novine KS“, broj: 9/19 i 21/19). Shodno navedenom, v.d. generalni direktor odobrava uplatu novčanih sredstava u iznosu od 1.500,00 KM, u skladu sa članom 23. stav 2. Zakona o prekršajima („Sl.novine FBiH“, broj: 63/14) na ime novčane kazne u iznosu od 3.000,00 KM za činjenje naprijed navedenog prekršaja. Shodno navedenom, donesena je Odluka kao u dispozitivu.

Dostaviti:

- V.d. generalni direktor
- SEFP s prilogom
- Kantonalna uprava
za inspeksijske poslove
ul.Aleja Bosne Srebrene bb
- Centar za NNID (za web stranicu)
- SPKOP
- a/a

